



**Ad hoc zajednička komisija za imenovanje
ombudsmena za ljudska prava BiH
Ad hoc zajedničko povjerenstvo za
imenovanje ombudsmana za ljudska prava BiH**

**Ад хок заједничка комисија за именовање
омбудсмена за људска права БиХ**

Broj: 01,02-50-1-616-7/09
Sarajevo, 8. 9. 2009.

**PREDSJEDAVALAČEM
PREDSTAVNIČKOG DOMA
PREDSJEDAVALAČEM
DOMA NARODA
PARLAMENTARNE SKUPŠTINE BiH**

Na osnovu člana 31. Poslovnika Predstavničkog doma Parlamentarne skupštine BiH („Službeni glasnik BiH“, br. 33/06,41/06,81/06, 91/06. i 91/07), člana 35. Poslovnika Doma naroda Parlamentarne skupštine BiH („Službeni glasnik BiH“, br. 33/06,41/06, 91/06. i 91/07) i člana 8. stav (4) i (5) Zakona o ombudsmenu za ljudska prava Bosne i Hercegovine („Službeni glasnik BiH“, br. 19/02 i 32/06), Ad hoc zajednička komisija za imenovanje ombudsmena za ljudska prava Bosne i Hercegovine koju čine: Ekrem Ajanović, Velimir Jukić i Drago Kalabić, poslanici u Predstavničkom domu, te Alma Čolo, Drago Ljubičić i Branko Zrno, delegati u Domu naroda Parlamentarne skupštine BiH, podnosi

**IZVJEŠTAJ
o utvrđivanju Liste kandidata za imenovanje ombudsmena u Instituciju
ombudsmena za ljudska prava Bosne i Hercegovine**

Na osnovu člana 8. stav (4) Zakona o ombudsmenu za ljudska prava BiH („Službeni glasnik BiH“, br. 19/02 i 32/06), Parlamentarna skupština BiH na 51. sjednici Predstavničkog doma, održanoj 15. aprila 2009., i na 28. sjednici Doma naroda, održanoj 27. aprila 2009., imenovala je članove Ad hoc zajedničke komisije za imenovanje ombudsmena za ljudska prava BiH koju čine: Ekrem Ajanović, Velimir Jukić i Drago Kalabić, poslanici u Predstavničkom domu, te Alma Čolo, Drago Ljubičić i Branko Zrno, delegate u Domu naroda Parlamentarne skupštine BiH.

U skladu s članom 8. stav (4) i (5) Zakona o ombudsmenu za ljudska prava BiH, zadatak Ad hoc zajedničke komisije za imenovanje ombudsmena za ljudska prava BiH (u daljnjem tekstu: Komisija) bio je da pripremi i objavi Javni konkurs za imenovanje ombudsmena za ljudska prava i nakon provedene procedure utvrdi Listu kandidata koji ispunjavaju uslove utvrđene Zakonom i dostavi je Predstavničkom domu i Domu naroda Parlamentarne skupštine BiH na daljnji postupak.

Komisija je održala sedam sjednica.

Na konstituirajućoj sjednici, održanoj 20. maja 2009., članovi Komisije izabrali su Almu Čolo za predsjedavajuću Komisije, Dragu Ljubičića za prvog zamjenika predsjedavajuće i Velimira Jukića za drugog zamjenika predsjedavajuće Komisije.

Komisija je usvojila Poslovnik o radu kojim je propisan način rada, uslovi javnog konkursa, dokumenti koji se prilažu uz prijavu, javnost rada, rad po okončanju javnog konkursa, intervju-

javno saslušanje kandidata, kriteriji bodovanja, postupak bodovanja i utvrđivanje liste kandidata i druga pitanja.

U skladu s članom 8. stav (4) Zakona o ombudsmenu za ljudska prava BiH i odredbama Poslovnika o radu, Komisija je raspisala Javni konkurs za imenovanje ombudsmena u Instituciju ombudsmena za ljudska prava BiH.

Uslove Javnog konkursa Komisija je utvrdila na osnovu Zakona o ombudsmenu za ljudska prava BiH i odredbi Poslovnika o radu Komisije.

Ombudsmen za ljudska prava BiH imenuje se na upražnjeno mjesto ombudsmena u Instituciju ombudsmena za ljudska prava BiH.

Ombudsmen za ljudska prava BiH imenuje se na period preostalog mandata ombudsmena čije je mjesto ostalo upražnjeno (član 10. stav (2) Zakona o ombudsmenu za ljudska prava BiH "Službeni glasnik BiH", br. 19/02 i 32/06).

Javni konkurs objavljen je u:

- "Službenom glasniku BiH", br. 43/09., od 2. juna 2009.
- "Dnevnom avazu", "Večernjem listu" i "Nezavisnim novinama", 4. juna 2009., i
- na veb-stranici Parlamentarne skupštine BiH, 3. juna 2009.

Rok za podnošenje prijave na Javni konkurs bio je (zaključno) 23. juni 2009.

U skladu s članom 9. Poslovnika o radu Komisije, Komisija je uputila Javni poziv zainteresiranim institucijama kojim ih obavještava da su sjednice otvorene za javnost i da mogu izraziti interes da njihovi predstavnici prisustvuju sjednicama. Javni poziv objavljen je na veb-stranici Parlamentarne skupštine BiH. Javnim pozivu odazvala se nevladina organizacija Centar civilnih inicijativa čiji je predstavnik prisustvovao sjednicama Komisije.

O održavanju sjednica u skladu s članom 7. Poslovnika o radu Komisije obavještavani su: Helsinški komitet za ljudska prava BiH, Ured Vijeća Evrope u Sarajevu, OHR, OSCE i nevladina organizacija 'Vaša prava'.

Predstavnici navedenih institucija prisustvovali su sjednicama Komisije.

Također, pozivi za sjednice Komisije objavljuvani su i na veb-stranici Parlamentarne skupštine BiH.

Dana 8. jula 2009. Komisija je zaprimila predstavku Nives Jukić u kojoj navodi da se prijavila na Javni konkurs. Prijavu s dokumentacijom predala je preporučenom pošiljkom čiji prijem je, 15. 6. 2009., svojim potpisom potvrdio službenik Pisarnice. Istakla je da je u potpunosti ispoštovala zakonsku proceduru i uslove utvrđene Javnim konkursom. Putem sredstava informiranja saznala je da njenu prijavu Komisija nije razmatrala. Uz predstavku dostavila je prijavu na Javni konkurs i ovjerenu fotokopiju obavještenja o prijemu-uručenju pošiljke.

Komisija je od Sekretarijata Parlamentarne skupštine BiH zatražila izjašnjenje o navodima iznesenim u predstavi Nives Jukić. Sekretarijat Parlamentarne skupštine BiH osnovao je Komisiju za utvrđivanje činjenica i okolnosti. Utvrđeno je da se pošiljka zagubila, te da nije pronađena.

Komisija je na 4. sjednici, održanoj 14. jula 2009., razmatrala predstavku Nives Jukić i zaključila da je prijava dostavljena u roku utvrđenom Javnim konkursom. S tim u vezi, Komisija je obavijestila imenovanu da u što kraćem roku dostavi kompletnu dokumentaciju u skladu s Javnim konkursom, što je i učinjeno.

Na Javni konkurs u utvrđenom roku prijavilo se sedam kandidata, a to su:

1. **Ilija Ćorić**
2. **Franjo Ravlija**
3. **Viktor Dadić**
4. **Mate Lončar**
5. **Željka Klobučar**
6. **Mariofil Ljubić**
7. **Nives Jukić**

Komisija je pojedinačno i detaljno razmotrila svaku prijavu kandidata i dokumente dostavljene uz nju.

Nakon uvida u dokumentaciju svakog prijavljenog kandidata, Komisija je utvrdila da dva kandidata ne ispunjavaju uslove Javnog konkursa.

Naime, Komisija je utvrdila da uz prijavu kandidat Mariofil Ljubić nije dostavio ovjerene fotokopije fakultetske diplome i uvjerenja o položenom pravosudnom ispitu. Dostavljene su neovjerene fotokopije ranije ovjerenih fotokopija diplome i uvjerenja.

Također, kandidat Viktor Dadić dostavio je neovjerenu fotokopiju fakultetske diplome.

Javnim konkursom utvrđeno je da neblagovremene prijave i neovjerene kopije neće biti razmatrane. S tim u vezi, Komisija je zaključila većinom glasova uz jedan glas protiv, da su prijave Mariofila Ljubića i Viktora Dadića nepotpune te da ne ispunjavaju formalne uslove Javnog konkursa.

U skladu s članom 16. Poslovnika o radu Komisije, **svih pet** kandidata koji ispunjavaju uslove Javnog konkursa bili su pozvani na intervju. O datumu, vremenu i mjestu održavanja intervjua svi kandidati pismeno su obaviješteni.

Komisija je na 6. sjednici, održanoj 3. septembra 2009., obavila intervju-javno saslušanje s kandidatima.

Intervjuu se odazvalo svih pet kandidata, i to:

1. **Ilija Ćorić**
2. **Franjo Ravlija**
3. **Mate Lončar**
4. **Željka Klobučar i**
5. **Nives Jukić.**

Imajući u vidu odredbu člana 8. stav (7) Zakona o ombudsmenu za ljudska prava BiH u kojoj je utvrđeno da se ombudsmeni imenuju iz tri konstitutivna naroda (bošnjačkog, hrvatskog i srpskog), što ne isključuje mogućnost imenovanja iz reda ostalih, Komisija je prilikom vođenja intervjua zatražila od svakog kandidata da se izjasni o svojoj nacionalnoj pripadnosti.

S tim u vezi, svih pet kandidata izjasnilo se da su pripadnici hrvatskog naroda.

Komisija je, u skladu s članom 16. Poslovnika o radu, donijela tipski obrazac za ocjenjivanje kandidata koji su pojedinačno popunjavali članovi Komisije prilikom vođenja intervjua. Svaki član Komisije ocijenio je kandidata čiji su bodovi unošeni u obrazac. Broj bodova svakog kandidata je zbir bodova koje je dao svaki član Komisije.

Na 7. sjednici, održanoj 8. septembra 2009., u skladu s članom 8. st. (4) i (5) Zakona o ombudsmenu za ljudska prava BiH i odredbi Poslovnika o radu Komisije, Komisija je utvrdila Prijedlog liste kandidata za imenovanje ombudsmena u Instituciju ombudsmena za ljudska prava BiH koji ispunjavaju uslove utvrđene Zakonom, koji dostavlja Predstavničkom domu i Domu naroda Parlamentarne skupštine BiH na daljnji postupak.

PRIJEDLOG

LISTE KANDIDATA ZA IMENOVANJE OMBUDSMENA U INSTITUCIJU OMBUDSMENA ZA LJUDSKA PRAVA BOSNE I HERCEGOVINE

Kandidati iz hrvatskog naroda

Redni broj	Kandidat	Broj bodova
1.	Nives Jukić	685
2.	Željka Klobučar	540
3.	Franjo Ravlija	395
4.	Mate Lončar	345
5.	Ilija Ćorić	295

Komisija predlaže Predstavničkom domu i Domu naroda Parlamentarne skupštine BiH da, nakon imenovanja ombudsmena u Instituciju ombudsmena za ljudska prava BiH, obavijeste kandidate koji nisu imenovani.

Za izvjestioce Komisije imenovani su:

- Dom naroda - Alma Čolo, predsjedavajuća Komisije,
- Predstavnički dom - Velimir Jukić, drugi zamjenik predsjedavajuće Komisije.

**Predsjedavajuća
Ad hoc zajedničke komisije za imenovanje
ombudsmena za ljudska prava BiH**

Alma Čolo